



Universitätsbibliothek Paderborn

Exercitivm Perfectionis, Et Virtvtvm Christianarvm

In tres Partes distinctum

Rodríguez, Alonso

Coloniæ Agrippinæ, 1622

II. Multum nos ad perfectioni incumbendum animare debet, quod eam in re admodum facilis Deus constituerit.

urn:nbn:de:hbz:466:1-40072

que illud est, de quo hic loquimur.

Cron. cister. S. Bernardus cum vna cum Fratribus suis (vt refertur in Chronicis Cisterciensibus) matutinum officium decantaret, multos hinc inde conspexit Angelos, scđulo obseruentes, & scripto annotantes, quid in choro monachi ac quomodo agerent: vidit autem nonnullorum opera aureo, aliorum argenteo colore, aliorum attamento, aliorum denique aqua diluta describi, pro varia attentione ac spiritu, qua quisque orabat & canabat, aliorum vero penitus non describi: quia tametsi officio præsentes corpore interessent, animo tamen & cogitatione procul inde distabant, inq; res impertinentes distracti erant. Maxime autem, dum Te Deum laudamus cantaretur, solicite obeutes & currentes per singula loca Angelos vident, ut oīmūrum saltem hymnus ille devote & attente caneretur, & quomodo ex aliis quorum, ipsum exordientium ore, velut flammæ quædam emicarent. Videat igitur quisque, qualis & cuiusmodi sua sit oratio, ac num auro, atramento, vel colore aquo notari digna sit, aut penitus quæ annotetur indigna. Vide quoque an, dū orationem facis, igneæ ab ore tuo scintillæ erumpant, an vero oscitationes & dormitantum pandiculationes. Vide denique, an illi solum præsens sis corpore, animo vero in studiis, officio, vel negotiis externis, aut aliis rebus impertinentibus verseris & peregrineris.

CAPUT II.

Multum nos ad perfectioni incumbendum animare debet, quod eam in re admodum facili Deus constituerit.

Reuerendus Pater Magister, Hieronymus Natalis, illustre Societatis nostræ, ob insignem doctrinam & virtutis columnen, quando Hispanienses prouincias primum visitatum venit, inter alia

plurima salubriter decreuit & iniunxit, hæc vt veritas & doctrina identidem ac frequenter nostris inculcaretur, nempe, omnem nostrum in spiritu profectum & perfectionem in eo potissimum consistere, vt particularia, ordinaria, & quotidiana, quæ quotidie agimus, opera bene riteque peragantur. Adeo vt profectus & vita in melius emendatio, non in eo sita sit, quod opera quædam extraordinaria supererogatorie assumantur, nec quod alia sublimia altaque officia agantur, sed tantum vt ordinaria Religionis opera, & illa quæ nobis superior concredidit officia, etiæ omnium ea sunt infima & contemptissima, perfecte debitoque modo obeamus. Hoc quippe est, quod à nobis Deus exigit. Quocirca in hoc maxime intendere & oculos & animum debemus, si tam illi placere, quam perfectionem assequi velimus. Consideremus ergo & notemus hic, quam sane tenui dispendio perfecti esse valeamus, cum eo ipso solum quod quotidie agimus, nulla alia extra ordinem addendo opera, perfecti esse possumus.

Hoc maxima omnibus consolationi est, & omnes nos ad perfectionem maximopere extimulare debet. Si exquisita aliqua opera & extraordinaria, si elevationes aliquas & contemplationes ad modum sublimes, vt perfectus dici possis, à te exigeremus, aliquo te modo excusari posses, ac dicere, tam sublimete euolare nec posse, nec audere. Si peteremus, vt quotidie ad sanguinem usque te cederes, quotidie in pane & aqua ieiunares nudipes incederes, perpetuo cilicium gestares, dicere sane posses, sufficietes ad hoc te vires non sentire. At nihil tale à te exigimus, nec in hoc tua sita perfectio, sed tantum, vt quod agis, bene agas. Per eadem ergo quæ agis, modo velis, perfectus esse potes. Iam omnis impenfa facta est, aliud vt insuper adiungi necesse non sit. Quisigitur ad perfectionem animum non applicet, viso eam ita facilem & obuiam esse, & veleti in manibus, atque adeo in re tam

H 2 faci-

Dicitus 30. 11. facili & pertractabili consistere? Deus, quo populum suum ad sui obsequium, & legis obseruantiam animaret, his verbis eum admonuit, *Mandatum hoc quod ego praecepio tibi hodie, non supra te est, nec procul possum, nec in caelo situm, ut possis dicere, quis nostrum valet ad cœlum ascendere, ve deferas illud ad nos, ut audiamus atque opere compleamus; nec trans mare possum, ut canferis & dicas, Quis ex nobis poterit transferrare mare, & illud ad nos usque deferre, ut possumus audire & facere quid praeceptum est?* Sed iuxta te est sermo valde in orbe tuo, & in corde tuo ut facias illum. Idem omnino de perfectione, de qua in praesenti tractamus, dicamus oportet.

Ecclesiasticus 17. 21. Hoc quoque suos argumento & ratione ad perfectionem animabat beatus Antonius Graci, inquit, Philosophiam & reliquas scientias comparaturi, longa suscipiunt itinera, vasta traiciunt maria, maximis fere in hoc laboribus, & vitam periculis obiectantes: nos vero quo virtutem & perfectionem, quæ vera & genuina sapientia est, adipiscamur, nulla necesse est pericula adire, nullos labores subire, ne quidem domo pedem efferre, quia domi, quin imo intra nos ipsos illam reperiemus. *Regnum Dei intra vos est.* In rebus enim illis ordinariis & quotidianis, quas agitis, perfectio vestra versatur.

Soler ut plurimum in spiritualibus conferentiis (potissimum, quādō tempus, aliquod devotioni magis colendæ dedicatum instat, Quadragesima, Aduentus, festa Pentecostalia, denique ipsa votorum renouatio) peti, quanam maxime ratione ac pacto nos ad hanc renovationem, ad hanc Quadragesimam, ad Spiritum sanctum recipiendum, aut puerum Iesum recentem natum intra nos recondendum disposituri & preparaturi simus. Multa tunc ab variis media & dispositiones suggesti videbitis, & eas bonas omnes; at optima ad hanc ratio, in qua insisteremus nos oportet, est hæc ipsa, de qua tractamus; in operibus scilicet nostris ordinariis, nos perficere. Aufer ergo & excue imperfectiones, quas

in rebus hisce communibus & quotidianis committitis, easq; quotidie melius & perfectius, & minus defectuose agere stude; atq; hæc futura bona est, ad quidquid volueris preparatio, & omnium forsitan optimæ. In hoc ergo potissimum oculos intendere, & reliqua omnia, quæ suggareretur media & considerationes ad unum hoc referantur.

CAPUT III.

In quo operum nostrorum bonitas ac perfectio consistat; & aliquot ponuntur media ad eadem rite ac bene agenda.

AT videamus iam, in quo hæc operum bonitas sita sit, ut deinde ad media veniamus, quæ nobis ad eadem bene agenda conferent. Paucis ut dicam, duabus in rebus ea sita; Primum, ut pure ea propter Deum agamus Rogat S. Ambrosius, ecquænam causa sit, cur in ipsa mundi creatione Deus statim ac res corporales & animalia creasset, ea omnia laudando approbarit. Mox enim ut plantas & arbores condidit, subiunxit, *Et vidit Deus Gen. 1.10.11 quod esset bonum;* quin & avibus & pisces 18.21.25, & stellis, & sole & luna creatis, quæ primum subdidit, *Et vidit Deus quod esset bonum.* Omnia quidem hæc, mox ut perfecta & in mundum producta sunt, Deus laudauit, homo vero conditus cum esset, solus laude omni indignus fuisse visus est, non enim de eo dicitur, vti de rebus ceteris, *Et vidit Deus quod esset bonum.* Ecquid hoc mysterium est, quænam rei huius ratio? dicet tibi S. Ambrosius: Quod enim omnis reliquarum rerum corporalium & animalium pulchritudo & bonitas in exteriori quod deforis appetit, consistat, & nulla alia in ipsis perfectio inueniatur, quam quæ oculis humanis videatur; ideo mox à sui creatione laudantur. Hominis vero bonitas & perfectio non in exteriori illa, quæ appetit, specie sita est, sed in interiori tantum, quæ introrsum

sum